

Agencija za zaštitu konkurencije, sa sjedištem na adresi Svetlane Kane Radević br. 3, Podgorica, koju zastupa v.d. direktorica Lepa Aleksić i

Konkurencijsko vijeće Bosne i Hercegovine, sa sjedištem na adresi Dubrovačka 6, B zgrada, III sprat - 71000 Sarajevo, koga zastupa gđa Arijana Regoda-Dražić, predsjednica Vijeća

zaključuju:

MEMORANDUM

o međusobnom razumijevanju i saradnji na području zaštite konkurencije

Član 1.

Potpisivanjem Memoranduma o međusobnom razumijevanju i saradnji na području zaštite konkurencije (u daljem tekstu: Memorandum), Agencija za zaštitu konkurencije Crne Gore i Konkurencijsko vijeće Bosne i Hercegovine (u daljem tekstu: potpisnici Memoranduma), izražavajući želju za unaprjeđivanjem saradnje na području zaštite konkurencije, imajući za cilj unaprjeđenje i razvoj bilateralnih odnosa na osnovu načela jednakosti i zajedničke koristi, osiguravajući uslove za efikasno djelovanje tržišta proizvoda i usluga u skladu s pravilima, odnosno načelima konkurencije i polazeći od njihovog značaja za uspostavljanje i razvoj slobodnog ekonomskog tržišta, saglasni su da će svoju međusobnu saradnju zasnivati na načelima i postupcima utvrđenim ovim Memorandumom.

Član 2.

Potpisnici Memoranduma saglasni su da će unaprjeđivati i jačati saradnju na području zaštite konkurencije.

Član 3.

Međusobna saradnja ostvarivat će se u zajedničkom interesu potpisnika Memoranduma i načelno će biti usmjerena na:

- a) razmjenu zakonodavnih normi i drugih pravnih izvora na osnovu kojih se sprovode aktivnosti potpisnika Memoranduma u ostvarivanju njihove nadležnosti na području

zaštite konkurencije;

- b) unaprjeđenje pravnog okvira za ograničavajuća djelovanja i kontrolu koncentracija, uzimajući u obzir praksu potpisnika Memoranduma i pravnu regulativu i iskustvo Evropske unije;
- c) razmjenu iskustava u sprovođenju ekonomskih i pravnih analiza u postupcima utvrđivanja povreda/kršenja propisa na području zaštite konkurencije i
- d) razvoj bilateralne saradnje u cilju uključivanja u različite aktivnosti koje se organizuju na međunarodnom nivou.

Član 4.

Osnovni oblici međusobnog djelovanja potpisnika Memoranduma na području zaštite konkurencije mogu biti sljedeći:

- a) razmjena podataka koji nemaju povjerljivi karakter, a vezani su za predmete i pravni okvir;
- b) stručna pomoć u izradi ekonomskih i pravnih analiza u okviru pojedinih predmeta;
- c) organizacija studijskih posjeta u cilju stručnog usavršavanja kadrova;
- d) razmjena stručnjaka radi učestovanja u stručnim aktivnostima i/ili pomoći u izvršenju tih aktivnosti, kao i u postupku donošenja odluka, ako je to potrebno, a na zahtjev jednog od potpisnika Memoranduma;
- e) prisustvovanje konferencijama, simpozijima, seminarima i/ili drugim događajima koji se organiziraju u Bosni i Hercegovini i Crnoj Gori u svrhu unaprjeđenja zaštite konkurencije;
- f) organizacija radnih grupa na stručnoj osnovi između potpisnika Memoranduma, kako bi se na operativnom nivou osigurala razmjena podataka o pojedinim pitanjima od zajedničkog interesa putem elektronske pošte;
- g) organizacija međusobnih sastanaka/posjeta na visokom nivou, kako bi se raspravile mogućnosti i pravci daljeg razvoja bilateralne saradnje, i
- h) razmjena dokumenata, studija i knjiga i druge literature iz područja konkurencije.

Član 5.

Potpisnici ovog Memoranduma neće trećoj strani stavljati na raspolaganje ili davati informacije i podatke dobijene od drugog potpisnika Memoranduma bez njegovog prethodnog odobrenja.

Član 6.

Razmjena informacija putem elektronske pošte ili prilikom sastanaka predstavnika potpisnika Memoranduma obavljat će se na službenim jezicima zemalja potpisnica.

Član 7.

Dnevne redove za sastanke, podatke i mjesto održavanja sastanaka, te druge uslove uključujući i finansijske, potpisnici Memoranduma utvrđivat će posebno.

Član 8.

Sve eventualne sporove vezane za tumačenje i način sprovođenja ovog Memoranduma potpisnici Memoranduma nastojat će riješiti mirnim putem.

Član 9.

Ovaj Memorandum neće kršiti i/ili na neki drugi način uticati na prava i obaveze potpisnika Memoranduma koje proizlaze iz drugih međunarodnih memoranduma (sporazuma) u kojima oni učestvuju.

Član 10.

Ovaj Memorandum potpisnici mogu izmijeniti samo uz zajedničku saglasnost, nakon prethodne razmjene mišljenja.

Član 11.

U cilju efikasne primjene ovog Memoranduma, potpisnici Memoranduma odredit će osobe za kontakt, koje će ostvarivati neposrednu saradnju, putem službenih i/ili neslužbenih sastanaka.

Član 12.

Ovaj Memorandum je sastavljen i potpisan u 4 primjerka, od kojih je jedan na srpskom, jedan na hrvatskom, jedan na bosanskom i jedan na crnogorskom jeziku.

Svi tekstovi Memoranduma jednako su autentični.

Ovaj Memorandum potpisan je u Sarajevu, 24.10.2019. godine.

Agencija za zaštitu konkurencije

V.d. Direktorica
gđa Lepa Aleksić

Crna Gora
AGENCIJA ZA ZAŠTITU KONKURENCIJE
Broj 02-732/1
Podgorica, 24. 10. 2019 god.

Konkurencijsko vijeće BiH

Predsjednica
gđa Arijana Regoda-Dražić


Broj 01-26-10-214-4/14
24-10-2019